## LA

## F V I T T E

Au Regiment du sieur de Mont-brun, chef des Rebelles en Dauphiné.


Par Monsieur le Mareschal de L'ESDIGVIERES.

Ensemble la Prise des Principaux de leur Caballe.

La Deffaite & Defroutte de quelques Compagnies.

L'Ordre qui est de present tenu en la Prouince, par le commandement dudit Seigneur Mareschal, contre lesdicts Rebelles.

Tre






A PARIS,

Chez Isaac Mesnier, rue S. lacques.

M. DC. XXI.

Auec Permission.





## LAFVITTE DV Regiment du sieur de Montbrun, Chef des rebelles du Dauphiné.

ONSIEVR; le Mareschal de l'Esdiguere s'estant reiré (auec la permission

tiré ( auec la permission du Roy, pour quelque temps ) à son gouvernement du Dauphiné, où le sieur de Mont-brun,

A ij

chef des Rebelles de la Prouince, auoit pendant l'absence dudict Seigneur, faict quelques seuées de trouppes contre le service du Roy par le moyen desquelles il auoit faict iusqu'à present plusieurs desgasts en ladicte Prouince, nonobstant toutes les remonstrances que l'on luy pouuoit auoir faicteà ce suject.

Ledict sieur de Montbrun, & quelques autres rebelles, estant as5

seurés de la prochaine venuë dudict Seigneur Mareschal, en auoient faict aduertir ceux de leur Caballe, & notamment quelques vns qui estoyent du party des entreprises faictes sur la ville de Grenoble, à celle fin qu'ils donnassent ordre secrettement à leurs affaires, & qu'ils songeassent proptemet à se sauuer, de crainte qu'estant pris, leur procez ne leur fut faict, par le Parlement de la Pro-

A iij

uince, comme criminels de zele Majesté.

Et dessors les trouppes qui estoyent en campagne, se respandirent par ladicte Prouince en quelques villes pour y attendre & demeurer, iusqu'à ce qu'on leur donna nouueaux aduis, sur les affaires qui se passeroient.

Ce pendant le dict sieur Mareschal estant arriué en la dicte Prouince, fait faire commandement à tous les habitans des villes de son gouvernement, de quelque Religion qu'ils fussent, de mettre les armes bas, & leur faict deffences sur peine de la vie, de se mal faire nymesdire,&decla ré tous cotreuenans perturbateurs du repos public, aufquels Commandemés & Ordonnances, les Catholiques de ladicte Prouince obeyrent promptement, afin que l'on recogneust que ce n'estoit point eux, qui vouloyent chercher aucunes divisions ny seditions, & pour mettre les rebelles en leur tort.

Lesdicts rebelles ne laissent pour tous commandemens & deffences, de continuer leurs meschancetez, par les Bourgs & villages du pays, à cause de quoy ledict Seigneur Marefchal fut contrainct de les faire poursuyure par les Preuosts des Mareschaux de la Prouince, & quelques compagnies de Caualleries qu'il auoit

auoit, lesquels voltigeant aux enuirons des lieux de leurs retraictes, pres desquels fut faict quelque legére attacque, & legere desfaicte, tant de part que d'autre, ils ne laisserent pour cela de tenir bon & continuer leurs desseins.

Cela contraignit Mondit sieur le Mareschal de l'Esdiguiere de se mettre luy mesme en Campagne auec deux mille hommes tant de Cheual que de pied, pour les

B

poursuiure, & a quelques rencontres en fut deffait quelques vns, & leurs bagages pris & donné aux Soldats, & en fut aussi pris quelque trente de prisonniers, qui ont esté amenez par le commandement dudict Seigneur Mareschal, en la ville de Grenoble, là où l'on estime que le Parlement leur fera leur procez, comme criminels de leze Majesté, & perturbateurs du repos public.

Le reste voyant la resolution dudict Seigneur Mareschal, se sont des-bandez les vns d'vn costé, les autres d'vn autre, & notamment du costé des montagnes, la plus grade partie prindrent la fuitte auec le sieur de Montbrun, vers la ville de Mont-limart, en laquelle pensant auoir l'entrée libre, trouuerent le Gouuerneur qui s'opposa & les repoussa viuement, bien qu'il fut de la Reli-

Bij

gion pretendue reformée comme eux, & que ladicte ville soit l'vne de celles qui leur est donnée par le benefice de l'Edict, & nonobstant celà, ledict Gouuerneur se voulut monstrer en ceste action seruiteur de sa Majesté.

De sorte qu'il est aysé de iuger qu'elles sont les factions des rebelles; qui portez d'ambiton & pleins de malice, essayent par leurs forces & courses ordinaires, alterer l'armée du Roy, qu'ils voudroyent (s'ils pouuoient) comme obliger à demeurer sur les pieds en ceste Prouince du Dauphiné, sans autre pretexte que leur propre meschanseté, laquelle (moyennant la grace de Dieu) sera tous iours reprimée.

Il est aysé aussi de iuger que l'intention dudict Seigneur Mareschal n'a esté autre que de faire cognoistre à vn chacun qu'il ny a eu que le zele

qu'il porte au seruice du Roy, quiluy a fait prendre les armes, & non pas l'ambition, ny l'auarice, ne plus ne moins que Curius Dentatus, accusé de peculat, lequel apporta deuant ses iuges vn tonneau de bois, dont il souloit se seruir és sacrifices, iurant n'auoir rapporté chose quelconque du butin des ennemis en sa maison que se tonneau, combien toutefois que parauant il eust dit en plein

Senat. I'ay tant conquis de terres à labourer, que c'eussent esté des deserts si ie n'eusse pris nombre suffisant de personnes pour les cultiuer: & ay fait tant de prisonniers, qu'ils fussent morts de faim, si ie n'eusse subiugué tous ces pays, pour les y loger & entretenir.

L'on ne dira pas non plus que le faict de la Religion ait faict prendre les armes audit Seigneur de l'Esdigueres, & d'autant qu'auparauant ces remuemens, il a escrit audict sieur de Montbrun, & sa lettre que l'on void imprimée, & qui se vend publiquement en est sidel tesmoin, & luy sert de descharge pour ce suject.

## FIN.

Lest permis à Isaac Mesnier marchant Libraire à Paris, de faire Imprime vn petit discours intitulé, La fuitte donnée au regiment du Sieur de Mont-brun, chef des rebelles en Dauphine par Monsieur le Marechal Desdidieres, &c. & dessences sont faites a toutes autre personne de le contresaire, sur peine d'amande & consissation des exemplaires. Pait le 17: Decembre mil six cens vingt & va.